

799 ipso, et potestatem dedit ei et^a iudicium facere, quia filius hominis est'. Item beatus
 2. Cor. 5, 10. Paulus apostolus dicit: 'Omnes nos oportet stare ante tribunal Christi'; et in alio loco:
 Rom. 14, 10. 'Omnes enim stabimus ante tribunal Dei'. Velim credas, sanctissime pater, ut, qui
 eum nunc verum Deum negat, etiam tunc verum Deum eum cognoscat^b et probet^c
 iudicatus. Veritatis probatio erit potestatis manifestatio. Quomodo non est verus Deus,
 Matth. 25, 31. de quo legimus in evangelio: 'Cum autem venerit filius hominis in maiestate sua, et
 omnes angeli cum eo, tunc sedebit in sede maiestatis suae, et congregabuntur ante
 Hebr. 1, 6. eum omnes gentes'? De quo multo ante praedictum est: 'Et adorent eum omnes
 angeli Dei'. Si Deus non est verus, cur adoratur ab angelis? et si filius Dei non est
 verus, cur sedet in dextera^d Dei patris? Hunc ergo Christum et psalmista Deum esse
 Ps. 46, 6. testatur: 'Ascendit Deus in iubilatione, et dominus in voce tubae'; item: 'Deus noster
 ib. 49, 3. 4. manifeste veniet, Deus noster non silebit; ignis in conspectu eius ardebit, et in circuitu
 eius tempestas valida. Advocabit^e caelum de sursum et terram, discernere populum
 suum'. De quo etiam idem psalmista paulo ante ait, ut discerneret eum ab aliis, qui
 ib. 49, 1, 2. dii dicuntur: 'Deus, deorum dominus locutus est et vocavit terram, a solis ortu et
 Is. 2, 3. occasu; ex Syon speties decoris eius'. De cuius predicatione propheta ait: 'De Syon
 exhibit lex, et verbum Domini de Hierusalem'.

Dicit quoque idem vir venerabilis Felix, quod sit per omnia aequalis nobis, nisi
 tantummodo quod sine peccato natus^f est. Quaedam inaequalitas est in morte illius
 et nostra; mors autem illius omnes nos redemit a morte aeterna, nullius autem nostrum
 mors vel se ipsum absque eo liberare poterit. Item quaedam inaequalitas est, quod
 ille est verus Deus et verus homo: nos tantum homines sumus, in peccatis nati eiusque
 gratia salvati; non ex meritis nostris, sed ex illius miseratione. In multis enim nobis
 Ps. 44, 3. similis est, sed in plurioribus dissimilis. Unde et in psalmis dicitur de eo: 'Spetiosus
 forma prae filiis hominum, diffusa est gratia in labiis tuis'.
 25

Refert quoque eum baptismo indiguisset; volens, ut videtur, eum in baptismo
 adoptari in filium, sicut et nos. Quanta infidelitas sit hoc cuilibet christiano credere,
 nullus sanum sapiens ignorat. Dominus itaque noster Iesus Christus solus sic potuit
 nasci, ut secunda regeneratione non indiguisset¹; ideo in baptismo Iohannis certa
 dispensationis miseratione baptizari voluit, quia in Iohannis baptismo non fuit regene-
 ratio, sed quaedam precursoria significatio baptismi Christi². In quo solo baptismo
 per Spiritum sanctum vera est remissio peccatorum credentibus, ut in eo spiritu
 renascamur, in quo ille natus est ex virgine Maria. 'In³ aqua enim voluit baptizari
 a Iohanne, non ut eius ulla dilueretur iniquitas, sed ut magna illius commendaretur
 humilitas. Ita quippe nihil^g in eo baptismum, quod ablueret, sicut mors nihil^g, quod
 puniret, invenit, ut diabolus veritate iustitiae vinceretur, non violentia potestatis
 opprimeretur. Utrumque enim, et baptismum et mors, non miseranda necessitate, sed
 miserante potius voluntate susceptum est'.
 35

Et multa alia inveniuntur in eius scriptis catholicorum patrum sensibus non con-
 venientia^h, quae dicere vel exponere epistolaris paginaeⁱ angustia me modo prohibet;
 ignorans quoque, quomodo vel qualiter sanctitas vestra et bona voluntas, quam habetis
 in Christo, haec nostrae parvitatibus dicta recipere velit. Tantum obsecro in ea caritate,
 qua^k Christus nos dilexit, ut benigne hos meos digneris perlegere apices; et quod

^a) om. Pa, Q. ^b) cognoscat P, Pa. ^c) probat Pa. ^d) dexteram Pa. ^e) advocavit P.
^f) notus Pa. ^g) nichil Pa. ^h) convenient P. ⁱ) pagina P; om. Pa. ^k) quam Pa.

1) Cf. Augustini *Enchirid. de fide, spe et carit. c. 48* (Opp. ed. Bened. VI, 214): qui solus potuit
 ita nasci, ut ei non opus esset renasci. 2) *Adv. Felic. l. II c. 17* (p. 810): Sed hoc sciendum est,
 quod in baptismo Iohannis, in quo Christus baptizatus est, non fuit regeneratio, sed quaedam prae-
 cursoria significatio baptismatis Christi; cf. *August. l. l. c. 49*: quodam praecursorio illius ministerio.
 3) In aqua — susceptum est ex *Augustino l. l. c. 49* (Opp. ed. Bened. VI, 215).